





庾開府詩集序

庾信字子山南陽新野人幼而俊邁聰敏絕倫博覽羣書尤善春秋左氏傳父肩吾爲梁太子中庶子堂管記東海徐摛爲左衛率摛子陵及信並爲鈔撰學士父子出入禁闈恩禮莫與比隆旣文並綺豔故世號徐庾體爲一時所重累遷通直散騎常侍聘于東魏文章辭令稱於鄴下梁元帝承制除御史中丞及卽位轉右衛將軍聘于西魏屬大軍南討遂留長安江陵平累遷儀同三司陳氏與周通好流寓之士各許還舊里武帝惜信才不遣尋徵爲司宗中大夫明帝武帝並雅好文學信特蒙恩禮羣公碑誌多相托



焉信雖通顯常有鄉關之思乃作哀江南賦以致意焉信養母至孝及母歿居喪哀毀大家宰晉國公嘗謂人曰庾信南人羈士至孝天然居喪過禮殆將滅性寡人一見遂不忍看其至德被知如此尤善工詩杜子美謂清新庾開府者是也

庚開府詩集卷一

周禮

周禮

周禮

周禮

周祀圓丘歌

昭夏

重陽禋祀大報天。景午封壇肅且圓。孤竹之管雲和弦。神光來下風蕭然。玉城七里通天臺。紫微斜照影徘徊。連珠合璧重光來。天策斲轉鉤陳開。

皇夏

旌迴外墻。蹕靜郊門。千乘按轡。萬騎雲屯。藉茅無咎。掃地惟尊。揖讓展禮。衡璜節步。星漢就列。風雲相顧。取灋於天。降其永祚。

長吉本此



昭夏

日至大禮。豐犧上辰。牲牢脩牧。繭栗毛純。俎豆斯立。陶匏以陳。大報反命。居陽兆日。六變鼓鐘。三和琴瑟。俎奇豆偶。惟誠惟質。

昭夏

圓玉已奠。蒼幣斯陳。瑞形成象。璧氣含春。禮從天數。智總圓神。為祈為祀。至敬咸遵。

皇夏

七里是仰。八陛有憑。就陽之位。如日之升。思虔肅肅。致敬繩繩。祝史陳信。玄象斯格。惟類之典。惟靈之澤。幽顯對揚。人神咫尺。

雲門舞

獻以誠鬱。以清山壘。舉沈齊傾。惟尚饗洽。皇情降景。福通神明。

雲門舞

長丘遠歷。大電遙源。弓藏高隴。鼎沒寒門。人生于祖。物本於天。奠神配德。迄用康年。

登歌

歲之祥。國之陽。蒼靈敬翠。雲長為飾。龍為章。乘長日。坏蟄戶。烈雲漢。迎風雨。六呂歌雲門舞。省滌濯。奠牲牲鬱金酒。鳳皇尊迴天睇。顧中原。

皇夏



國命在禮。君命在天。陳誠惟肅。飲福惟虔。洽斯百禮。福以千年。鈞陳掩映。天駟徘徊。彪禾飭學。翠羽承壘。受斯茂祉。從天之來。

雍樂

禮將畢。樂將闌。迴日嚮。動天關。翠鳳搖和。鸞響五雲。飛三步上。風爲馭。雷爲車。無轍迹。有煙霞。暢皇情。休靈命。雨留甘。雲餘慶。

皇夏

六典聯事。九司咸則。率由舊章。於焉允塞。掌禮移次。燔柴在焉。煙升玉帛。氣歛牲牲。休氣馨香。管芳昭晰。翼翼虔心。明明上徹。

皇夏

玉帛禮畢。人神事分。嚴承乃睠。瞻仰迴雲。輦路千門。王成九軌。式道移候。司方迴指。得一惟清。於萬斯寧。受茲景命。于天告成。

周祀方澤歌

昭夏

報功陰澤。展禮玄郊。平琮鎮瑞。方鼎升庖。調歌絲竹。縮酒江茅。聲舒鐘鼓。器質陶匏。列耀秀華。凝芳都荔。川澤茂祉。丘陵容衛。雲飾山壘。蘭浮汎齊。日至之禮。歆茲大祭。

昭夏



曰若厚載。欽明方澤。敢以敬恭。陳之玉帛。德包含養。功藏靈迹。斯箱既于。子孫則百。

登歌

質明孝敬。求陰順陽。壇有四陛。琮為八方。牲牲蕩滌。蕭合馨香。和鑾戾止。振鷺來翔。威儀簡簡。鐘鼓喤喤。聲和孤竹。韻入空桑。封中雲氣。坎上神光。下元之主。功深蓋藏。

皇夏

司筵撤席。掌禮移次。迴顧封壇。恭臨坎位。瘞玉埋俎。蕝芬歛氣。是曰就幽。成斯地意。

周祀五帝歌

皇夏

嘉玉惟芳。嘉幣惟量。成形依禮。稟色隨方。神班其次。歲禮惟常。威儀抑抑。率由舊章。

皇夏

惟令之月。惟嘉之辰。司壇宿設。掌史誠陳。敢用明禮。言功上神。鉤陳旦闢。閭闔朝分。旒垂魚冕。樂奏山雲。將迴霆策。暫轉天文。五運周環。四時代序。鱗次玉帛。循迴樽俎。神其降之。介福斯許。

青帝雲門舞

甲在日。鳥中星。禮東后。奠蒼靈。樹春旗。命青史。候鴈還。東風起。歌木德。舞震宮。泗濱石。龍門桐。孟之月。陽



之天億斯慶兆斯年

配帝舞

帝出於震蒼德於神其明在日其位居春勞以定國功以施人言從配祀近取諸身

赤帝雲門舞

招搖指午對南宮日月相會實沈中離光布政動溫風純陽之月樂炎精赤雀丹書飛送迎朱絃絳鼓磬虔誠萬物含養各長生

配帝舞

以炎為政以火為官位司南陸享配離壇三和實俎百味浮蘭神其茂豫天步艱難

黃帝雲門舞

三光儀表正四氣風雲同戊巳行初曆黃鐘始變宮平琮禮內鎮陰管奏司中齊壇芝曄曄清野桂馮馮夕牢芬六鼎安歌韻八風神光乃超忽嘉氣恒葱葱

配帝舞

四時成一德五氣或同論猶吹鳳皇管尚對梧桐園器園居土厚位總配神宗始知今奏樂還用我雲門

白帝雲門舞

肅靈兌景承配秋壇雲高火落露白蟬寒帝律登年金精行令瑞獸霜耀祥禽雪映司藏肅殺萬寶咸宜厥田上上收功在斯



配帝舞

金行秋冷。白帝朱宣。司正五雉。歌庸九川。執文之德。對越彼天。介以福祉。君子萬年。

黑帝雲門舞

北辰為政。玄壇北陸之祀。員官宿設。玄圭浴蘭。坎德陰風。御寒次律。將迴窮紀。微陽欲動。細泉管猶調於陰竹。聲未入於春絃。待歸餘於送曆。方復慶於斯年。

配帝舞

地始坼。虹始藏。服玄玉。居玄堂。沐蕙氣。浴蘭湯。匏器絜水。泉香陟配。彼福無疆。君欣欣。此樂康。

周宗廟歌

皇夏

肅肅清廟。巖巖寢門。欽器防滿。金人戒言。應輦懸鼓。崇牙樹羽。階變升歌。庭紛為舞。閑安為設。緝熙清奠。春鮪初登。新萍先薦。倏然入室。儼乎在位。悽愴履之。非寒之謂。

昭夏

永維祖武。潛慶靈長。龍圖革命。鳳曆歸昌。功移上壤。德耀中陽。清廟肅肅。猛虎煌煌。曲高大夏。聲和盛唐。牲牲蕩滌。蕭合馨香。和鑿戾止。振鷺來翔。永敷萬國。是則四方。

皇夏



年祥辨日上。協龜言奉酌。承列來庭駿奔。雕禾飾學。翠羽承樽。敬殫如此。恭惟執燔。

皇夏

慶緒千重。秀鴻源萬里。長無時猶戢翼。有道故韜光。盛德必有後仁。義終克昌。明星初肇。慶大電久呈祥。

皇夏

克昌光上烈。基聖穆西藩。崇仁高涉渭。積德被居原。帝圖張往迹。王業茂前尊。重芬德陽廟。疊慶壽陵園。百靈光祖武。千年福孝孫。

皇夏

雄圖屬天造。宏略遇羣飛。風雲猶聽命。龍躍遂乘機。

百二當天險。三分拒樂推。函谷風塵散。河陽氛霧晞。濟弱淪風起。扶危頽運歸。地紐崩還正。天樞落更追。原祠乍超忽。畢隴或綿微。終封三尺劔。長卷一戎衣。

皇夏

月靈興慶。沙祥發源。功參禹迹。德贊堯門。言容典禮。綸狄徽章。儀形溫德。令問昭陽。日月不居。歲時晝晚。瑞雲纏心。闕宮惟遠。

皇夏

龍圖基代德。天步屬艱難。謳歌還受瑞。揖讓乃登壇。升輿芒刺重。入位據關寒。卷舒雲汎濫。游揚日浸微。出鄭終無反。居桐竟不歸。祀夏今惟舊。尊靈謚更追。



皇夏

若水逢降君。窮桑屬惟政。丕哉馭帝籙。鬱矣當天命。  
方定五雲官。先齊八風令。文昌氣似珠。太史河如鏡。  
南宮學已開。東觀書還聚。文辭金石韻。毫翰風飄豎。  
清室桂馮馮。齊房芝詡詡。寧思玉管笛。空見靈衣舞。

皇夏

南河吐雲氣。北斗降星辰。百靈咸仰德。千年一聖人。  
書成紫微動。律定鳳凰馴。六軍命西土。甲子成東鄰。  
戎衣此一定。萬里更無塵。煙雲同五色。日月並重輪。  
流沙旣西靜。蟠木又東臣。凱樂聞朱鴈。鏡歌見白麟。  
今爲六代祀。還得九疑賓。

皇夏

禮殫裸獻。樂極休成。長離前挾。宗祀文明。縮酌浮蘭。  
澄罍合鬯。磬折禮容。旋迴靈貺。受釐撤俎。飲福移樽。  
惟光惟烈。文子文孫。

皇夏

庭闕四始。筵終三薦。顧步階墀。徘徊餘奠。六龍矯首。  
七萃警途。鼓移行漏。風轉相烏。翼翼從事。綿綿四時。  
惟神降嘏。永言保之。

周大禘歌

昭夏

律在夾鍾。服居蒼袞。杳杳清思。綿綿長遠。就祭於合。



班神於本。來庭有序。助祭有章。樂舞六代。賓歌二玉。和鈴以節。條革斯鏘。齊宮饌玉。鬱學浮金。洞庭鐘鼓。龍門瑟琴。其樂已變。惟神是臨。

登歌

神惟顯思。不言而令。玉帛之禮。敢陳莊敬。奉如弗勝。薦如受命。交於神明。愬于言行。

周五聲調曲

宮調曲五首

氣離清濁。割元開天地。分三才。初辨正。六位始成。文繼天爰立。長安民乃樹。君其明廣如日。其澤厚如雲。惟管我文祖。撥亂拒謳歌。三分未撫運。八百不陵河。

禮敷天下。信樂正神人。和風塵行息。警江海欲無

我皇承下武。革命在君臨。膺圖當舜玉。嗣德受堯琴。

沈首我推運。陽城有讓心。就口先知遠。觀淵早見深。

玄精實委御。蒼正乃皆平。履一作朝萬國年。祥一作慶

百靈玉帛咸。觀禮華戎各在庭。鳳響中夷則。天文正

玉衡。皇基自天保。萬物乃由庚。

握衡平地紀。觀鳥正天樞。祺祥鍾赤縣。靈瑞炳皇都。

更受昭華玉。還披蘭葉圖。金波來白兔。弱木下蒼烏。

玉斗調元協。金沙富國租。青丘還擾圃。丹穴更巢梧。

安樂新成慶。長生百福符。

明明九族序。穆穆四門賓。陰陵朝北附。蟠木引東臣。



澗途求板築。溪源取釣綸。多士歸賢戚。維城屬茂親。  
貴位連南斗。高榮據北辰。迎時乃推策。司職且班神。  
日月之所照。霜露之所均。永從文軌一。長無外戶。  
鬱盤舒棟宇。崢嶸侔大壯。拱木詔林衡。全摸徵梓匠。  
千櫨綺翼浮。百拱長虹抗。北去邯鄲道。南來偃師望。  
龍首載文握。雲楣承武帳。居者非求隘。卑宮豈難尚。  
壯麗天下觀。是以從簫相。

變宮調二首

帝遊光出震。君明擅在離。嚴廊惟眷顧。欽若尚無爲。  
龍穴非難拊。鸞巢欲可窺。具茨應不遠。汾陽寧足隨。  
烝民播殖重。溝洫劬勞多。桑林還注雨。積石遂開河。

明徵逢永命。平秩值年和。更有薰風曲。方聞晨露歌。  
移風廣軒曆。崇德盛唐年。成文興大雅。出豫動鈞天。  
黃鐘六律正。閭闔八風宣。孤竹調陽管。空桑節雅絃。  
舞林鸞更下。歌山鳳欲前。聞音能辨俗。聽曲乃思賢。  
感物觀治亂。治心防未然。君子得其道。太平何有焉。

商調曲四首

君以宮唱。寬大而謨明。臣以商應。聞義則可行。有熊  
爲政。訪道於容成。殷湯受命。委任於阿衡。忠其敬事。  
有罪不逃刑。誦其箴諫。言之無隱情。有剛有斷。四方  
可以寧。既頌既雅。天下乃升平。專精一致。金石爲之  
開動。其兩心。妻子恩情乖。苟利社稷。無有不盡懷。昊



天降祐元首惟康哉  
百川俱會大海所以深羣材既聚故能成鄧林猛虎  
在山百獸不敢侵忠臣處國天下無異心管我文祖  
執心且危慮驅翦豺狼經營此天步今我受命又無  
敢逸豫惟爾弼諧各可知兢懼  
禮樂既正人神所以和玉帛有序志欲靜干戈各分  
符瑞俱誓裂山河今日相樂對酒且當歌道德以喻  
聽撞鐘之聲神姦不若觀鑄鼎之形艷宮既朝諸侯  
於是穆岐陽或狩淮夷自此平若涉太川言憑於舟  
楫如和鼎實有寄於鹽梅君臣一體可以靜氛埃得  
人則治何世無奇才

風力是舉而台階序平重黎既登而天地位成功無  
與讓銘太常之旌世不失職受駢毛之盟輯瑞班瑞  
穆穆於堯門惟翰惟屏撫撫於周原功成而治定禮  
樂斯存復子而明辟姬且何言

角調曲二首

止戈見於絕轡之野稱伐聞於丹水之征信義俱存  
乃先忘食五材並用誰能去兵雖聖人之大寶曰位  
實天地之大德曰生涇渭同流清濁異能琴瑟並御  
雅鄭殊聲擾擾烝人聲教不一茫茫禹跡車軌未并  
志在四海而尚恭儉心包宇宙而無驕盈言而無文  
行之不遠義而無立勤則無成惻隱其心訓以慈惠



流宥其過。哀矜典刑。

匡贊之士。或從漁釣。雲雨之杓。乍歎幽谷。尋芳者追。深逕之蘭。識韻者探。窮山之竹。克明其德。貢以三事。樹之風聲。言于九牧。協用五紀。風若從時。農用八政。甘作其穀。殊風共軌。見之周南。異畝同穎。聞之康叔。祁寒暑雨。是無胥怨。天覆雲油。滋焉滌漉。幸無謝上。古之淳人。庶可以封之於比屋。

徵調曲六首

乾坤以含養覆載。日月以貞明照臨。達人以四海爲務。明君以百姓爲心。水波瀾者源必遠。樹扶疎者根必深。雲雨取施無不洽。廊廟求才多所任。

淳風布政。常無欲。至道防人。能變俗。求仁義。急於水。火用禮讓。多於菽粟。屈軼無佞人。可指。獬豸無繁刑。可觸。王道蕩蕩。用無爲。天下四人。誰不足。

聖人千年始一。生黃河千年始一。清攝提以之。而從紀。玉燭於是。而文明。東南可以補地闕。西北可以正天傾。浮龜則東海可厲。運鍾則南山可平。衆僊就朝於瑤水。羣帝受享於明庭。懷和則韎任。並奏。功烈則鍾鼎俱銘。

三光以記物。呈形。四時以裁成。正位。雷風大山岳之響。寒暑通陰陽之氣。武功則六合攸同。文教則二儀經緯。有道則咸浴其德。好生則各繁其類。白日經天。



中則移。明月橫漢滿而虧。能虧能闕。既無爲。雖盈雖滿。則不危。開信義以爲苑囿。立道德以爲城池。周監二代所損益。郁郁乎文。其可知。庖犧之親臨佃漁。神農之躬秉稼穡。湯則救旱而憂勤。禹則正冠而無暇。草上之風無不偃。君子之眊知可化。將欲比德於三皇。未始追蹤於五霸。

纖纖不絕。林薄成涓涓。不止江河生。事之毫髮無謂。輕慮遠防。微乃不傾。雲宮乃垂拱。大君鳳曆。惟欽明元首。類上帝而禋六宗。望山川而朝羣后。地鏡則山澤俱開。河圖則魚龍合負。我之天綱。莫不該。閭闔九關。天門開。卿相則風雲玄感。匡贊則星辰下來。既興

周室之三聖。乃舉唐朝之八才。莘臣參謀於左相。大老教政於中台。其宜作則於明哲。故無崇信於駸。正陽和氣萬類繁。君王道合天地尊。黎人耕植於義圃。君子翱翔於禮園。落其實者思其樹。飲其流者懷其源。咎繇爲謀不仁遠。士會爲政羣盜奔。克寬則昆蟲內向。彰信則殊俗宅心。浮橋有月支抱馬。上苑有烏孫學琴。赤玉則南海輸賁。白環則西山獻琛。無勞鑿空於大夏。不待蹶角於蹠林。

羽調曲五首

樹君所以牧人。立瀆所以靜亂。首惡既其南巢。元凶於是北竄。居休氣而四塞。在光華而兩旦。是以雨施



作解。是以風行惟渙。周之文武。洪基光宅。天下文思。千載克聖。咸熙七百。在我應期。實昊天有成命。惟四方其訓之。

運平後親之俗。時亂先疎之雄。踰桂林而驅魚。濟弱水而承鴻。既浮干呂之氣。還吹入律之風。錢則都內貫朽。倉則常平粟紅。火中乃寒。乃暑。年和一風一雨。聽鐘磬。念封疆。聞笙竽。思蓄聚。瑤琨篠蕩。既從怪石。鉛松卽序。長樂善馬成廐。水衡黃金爲府。

百川乃宗。巨海衆星。是仰北辰。九州攸同。禹跡四海。合德堯臣。朝陽棲於鳴鳳。靈時牧於般麟。雲玉葉而五色。月金波而兩輪。涼風迎時。北狩小暑。戒節南巡。

山無藏於紫玉。地不受於黃銀。雖南征而北怨。實西略而東賓。既永清於四海。終有慶於一人。

定律零陵。玉管調鐘。始平銅尺。龍門之下。孤桐泗水之濱。鳴石河靈。於是讓珪山精。所以奉璧滌九川。而賦稅琴三危。而納錫北里之禾。六穗江淮之茅。三脊可以玉檢。封禪可以金繩。探冊終永。保於鴻名。足揚光於載籍。

太上之有立德。其次之謂立言。樹善滋於務本。除惡窮於塞源。冲深其智。則厚昭明其道。乃尊仁義之財。不匱忠信之禮。無繁動天。無有不屈。惟時無幽不徹。作德心逸。日休作僞。心勞日拙。自非剛克。掩義無所。



離于勦絕

庾開府詩集卷一

庾開府詩集卷二

詩

奉和永豐殿下言志 十首

庾信 子山

立德齊今古。咨仁一毀譽。無機抱甕汲。有道帶經鋤。  
 處下唯名惠。能賢本姓蘧。未論驚寵辱。安知繫<sub>舒</sub>慘<sub>舒</sub>。  
 王子從邊服。臨邛惜第如。星橋擁冠蓋。錦水照簪裾。  
 論文報潘岳。詠史答應璩。帳幕參三顧。風流盛七<sub>輿</sub>。  
 茫茫實宇宙。與善定馮虛。大夫傷魯道。君子念殷墟。  
 程卿既開國。安平遂徙居。詎能從小隱。終能遊<sub>太</sub>初<sub>太</sub>。  
 直城風日美。平陵雲霧除。來往金張館。絃歌許史閭。



鳳臺迎弄玉。河陽送婕妤。五馬遙相問。雙童來夾。  
託情欣六學。遊目愛三餘。覆局能懸計。看碑解暗疏。  
詎嘗遊魏冉。那時說范睢。池水朝含墨。流螢夜聚。  
興雲榆莢晚。曉薤杏花初。滌池浸黍稷。谷水播菑畬。  
六月蟬鳴稻。千金龍骨渠。含風搖古渡。防露動於林。  
自憐循短綆。方欲開長沮。茂陵體猶瘠。淮陽疾未祛。  
翻疑承毒水。忽似遇昌菹。漢陽嗟欲盡。咎繇懼忽。  
弱齡參顧問。疇管濫吹嘘。綠槐垂學市。長楊映直廬。  
連盟翻滅鄭。仁義反亡徐。還思建鄴水。終憶武昌魚。  
崩堤墜故柳。衰社卧寒樗。野鶴能自獵。江鷗解獨漁。  
漢陰逢荷篠。繡林見杖藜。阮籍長思酒。嵇康懶著書。

披林求木實。拂雪就園蔬。濁醪非鶴髓。蘭肴異蠃蛆。  
野情風月曠。山心人事疏。徒知守瓴甕。空欲報璠璣。

五言和宇文京兆遊田

小苑禁門開。長楊獵客來。懸知畫眉罷。走馬向章臺。  
澗寒泉反縮。山晴雲倒回。熊饑獨舐掌。鷹重自銜枚。  
美酒餘杭醉。芙蓉卽奉杯。

五言和何儀同講竟述懷

無名卽講道。有動定論機。安弦讓禮席。正業理儒衣。  
似得遊焉趣。能同捨講歸。石渠人少歇。華陰市暫稀。  
秋雲似晚氣。短景側餘輝。螢排亂草出。鷹捨斷蘆飛。  
別有平陵徑。蕭條容鬢衰。饑噪空倉雀。寒驚懶婦機。



實欣懷謏問逢君理入微

和王少保遙傷周處士

冥漠爾遊岱。淒涼余向秦。雖言異生死。同是不歸人。  
管余仕冠蓋。值子避風塵。望氣求真隱。伺關待逸民。  
忽聞泉石友。芝桂不防身。悵然張仲蔚。悲哉鄭子真。  
三山猶有鶴。五柳更應春。遂令從渭水。投釣往江濱。

擬詠懷二十七首

步兵未飲酒。中散未彈琴。索索無真氣。昏昏有俗心。  
涸鮒常思水。驚飛每失林。風雲能變色。松竹且悲吟。  
由來不得意。何必往長岑。  
倏忽市朝變。蒼茫人事非。避讒應采葛。忘情遂食薇。

起首四句  
絕似唐人

懷愁正搖落。中心愴有違。獨憐生意盡。空驚槐樹衰。

赭衣居傅巖。垂綸在渭川。乘舟能上月。飛憶欲捫天。

誰知志不就。空有直如弦。洛陽蘇季子。連橫遂不連。

既無六國印。翻思二頃田。

俎豆非所習。帷幄復無謀。不言班定遠。應為萬里侯。

燕客思遼水。秦人望隴頭。倡家遭強聘。質子值仍留。

自憐才智盡。空傷年鬢秋。

楚材稱晉用。秦臣卽趙冠。離宮延子產。羈旅接陳完。

寓衛非所寓。安齊獨未安。雪泣悲去魯。淒然憶相韓。

唯彼塗窮慟。知余行路難。

惟忠且惟孝。為子復為臣。一朝人事盡。身名不足親。



吳起長辭魏韓非遂入秦壯情已消歇雄圖不復申  
移住華陽下終爲關外人

疇嘗國士遇生平知己恩直言珠可吐寧知炭可吞  
一顧重尺璧千金輕一言悲傷劉孺子悽愴史皇孫

無因同武騎歸守霸陵園

○日○色○臨○平○樂○風○光○滿○上○蘭○南○國○美○人○去○東○家○棗○樹○完

抱松傷別鶴向鏡絕孤鸞不言登隴首唯得望長安

榆關斷音信漢使絕經過胡笳落淚曲羌笛斷腸歌

孀腰減束素別淚損橫波恨心終不歇紅顏無復多

枯木期填海青山望斷河

○白○馬○向○清○波○乘○米○始○渡○河○置○兵○須○近○水○移○營○喜○竈○多

悲壯清

使人氣索

長坂初垂翼鴻溝遂倒戈的顛於此去虞兮奈若何  
空營衛青冢徒聽田橫歌

北臨玄菟郡南戍朱鳶城共此無期別俱知萬里情

管常遊令尹今時事客卿不特貧謝富安知死羨生

懷秋獨悲此平生何謂平

悲歌度燕水弭節出陽關李陵從此去荆卿不復還

故人形影滅音書兩俱絕遙看塞北雲懸想關山雪

遊子河梁上應將蘇武別

鬪麟能食日戰水定驚龍鼓鞞喧七萃風塵亂九重

鼎湖去無返蒼梧悲不從徒勞銅雀妓遙望西陵

搖落秋爲氣悽涼多怨情啼枯湘水竹哭壞杞梁城

宜法



天亡遭憤戰日蹙值然兵直虹朝暎壘長星夜落營  
楚歌饒恨曲南風多死聲眼前一杯酒誰論身後  
周王逢鄭忿楚后值秦寃梯衝已鶴烈冀馬忽雲屯  
武安擔瓦振昆陽猛獸奔流星夕照境烽火夜燒原  
古獄饒寃氣空庭多枉寃天道或可問微兮不忍  
橫流邁屯慝上塲結重氛哭市聞妖獸頽山起怪雲  
綠林多散卒青波有敗軍智士今安用忠臣且未聞  
憐無萬金產東求滄海君  
吉士長爲吉善人終日善大道忽云乖生民隨事蹇  
有情何可豁忘懷固難遣麟窮季氏且虎振周王圜  
平生幾種意一旦衝風卷

瞬息千載  
可勝慨歎

無悶無不悶有待何可待昏昏如坐霧漫漫擬行海  
千年水未清一代人先改晉日東陵侯唯見瓜瓞  
六國始咆哮從橫未定交欲競連城玉翻徵縮酒茅  
折骸猶換子登爨已懸巢壯冰初開地盲風正折膠  
浮雲飄馬足明月動弓稍楚師正圍鞏秦兵未下嶠  
始知千載內無復有申包  
懷抱獨惛惛平生何所論由來千種意併是桃花源  
穀皮兩書帙壺盧一酒樽自知費天下也復何足  
橫石五三片長松一兩株對君俗人眼真與理當無  
野老披荷葉家童掃栗跼竹林千戶封甘樹萬頭奴  
君見愚公谷真言此谷愚



日晚荒城上。蒼茫餘落暉。都護樓蘭反。將軍踈勒歸。  
馬有風塵氣。人多關塞衣。陣雲平不動。秋蓬卷欲飛。  
聞道樓船戰。今年不解圍。

蕭條亭障遠。悽慘風塵多。關門臨白社。城影入黃河。  
秋風別蕪武。寒水送荆軻。誰言氣梗世。晨起帳中歌。

被甲陽雲臺。重雲久未開。雞鳴楚地盡。鶴唳秦軍來。

羅梁猶下碓。揚排久飛灰。壯門車軸折。吾王不復迴。

尋思萬戶侯。中夜忽然愁。琴聲遍屋裏。書卷滿牀頭。

雖言夢蝴蝶。定自非莊周。殘月如初月。新秋似舊秋。

露泣連珠下。螢飄碎火流。樂天乃知命。何時能不憂。

憤憤天公曉。精神殊乏少。一郡催曙雞。數處驚眠鳥。

可泣鬼神

其學乃于于。其憂唯悄悄。張儀稱行薄。管仲稱器小。

天下有情人。居然性靈天。

在死猶可忍。爲辱豈不寬。古人持此性。遂有不能安。

其面雖可熱。其心長自寒。匣中取明鏡。披圖自照看。

幸無侵餓理。差有犯兵欄。擁節時驅傳。乘亭不據鞍。

代郡蓬初轉。遼陽桑欲乾。秋雲粉絮結。白露水銀團。

一思探禹穴。無用鑿臯蘭。

楊柳歌 七言

河邊楊柳百丈枝。別有長條宛地垂。河水衝激根株

危。倏忽河中風浪吹。可憐巢裏鳳皇兒。無故當年生

別離。流槎一去上天池。織女支機將見隨。誰言從來



蔭數國。直用東南一小枝。管日公子出南皮。何處相  
尋。玄武陂。駿馬翩翩西北馳。左右彎弧仰月支。連錢  
障泥渡水騎。白玉手板落盤螭。君言丈夫無意氣。試  
問燕山。擗得碑。鳳皇新管。蕭史吹朱鳥。春窻玉女窺  
銜雲。酒杯赤瑪瑙。照日食螺紫。琉璃百年霜。露奄離  
披。一旦功名不可爲。定是懷王作計誤。無事翻覆用  
張儀。不如飲酒高陽池。日暮歸時倒接甌。武昌城下  
誰見移。官渡管前邠。可知獨憶落絮鵝毛下。非復青  
絲馬尾垂。欲與梅花留一曲。共將長笛管中吹。

奉和初秋

落星初伏火。秋霜正動鐘。北閣連橫漢。南宮映鑿龍。

祥鸞棲竹實。靈蔡上芙蓉。自有南風曲。還來吹九重。

北園新齋成應教

虹粉跂鳥翼。山節拱蘭枝。畫梁雲氣繞。彫窻玉女窺。  
月懸唯返照。蓮開常倒垂。盤根紐壤石。行雨暴澆池。  
長藤連格徙。高樹帶巢移。鳥聲唯雜曲。花風直亂吹。  
白虎題書觀。玄熊帖射皮。文弦入舞曲。扇月掩歌兒。  
玉節調笙管。金舳代酒卮。若論曹子建。天人本共知。

奉和闡弘二教應詔

五明教已設。三元灑復開。魚山將鶴嶺。清梵兩邊來。  
香煙聚爲塔。花雨積成臺。空心論佛性。真氣辯僊才。  
靈盤高掌滴。風鳥平翅迴。無勞無待詔。自識昆明灰。



奉和賜曹美人

月光如粉白。秋露似珠圓。絡緯無機織。流螢帶火寒。  
何年迎弄玉。今朝得夢蘭。訝許能含笑。芙蓉宜熟看。

就蒲州使君乞酒

蕭瑟風聲慘。蒼茫雪貌愁。烏寒樓不定。池凝聚未流。  
蒲城桑落熟。霸岸菊花秋。願持河北飲。分勸東陵侯。

別張洗馬樞

別席慘無言。離悲兩相顧。君登蘇武橋。我見楊朱路。  
關山負雪行。河水乘冰渡。願子着朱鳶。知余在玄菟。

別周尚書弘正

扶風石橋北。函谷故關前。此中一分手。相逢知幾年。

黃鵠遂返顧。徘徊應愴然。自知悲不已。徒勞減瑟絃。  
卧疾窮愁

危慮風霜積。窮愁歲月侵。留蛇常疾首。暎弩屢驚心。  
稚川求藥錄。君平問卜林。野老時相訪。山僧或見尋。  
有菊翻無酒。無弦則有琴。詎知長抱膝。獨為梁父吟。

率爾成詠

管為謝安石。求為淮海人。彷彿新亭岸。猶言洛水濱。  
南冠今別楚。荆玉遂遊秦。儻使如楊僕。寧為關外人。  
同盧記室從軍

河圖論陣氣。金匱辯星文。地中鳴鼓角。天上下將軍。  
函犀恒七屬。路鐵本千羣。飛梯聊度絳。合弩暫陵汾。



狂寇先中斷妖營卽兩分連烽對嶺度嘶馬隔河聞  
箭飛如疾雨城崩似壞雲英王於此戰何用武安君  
北園射堂新成

軒臺聊可習僊的不難登轉箭初調筈橫弓先望棚  
驚心一鷹落連臂兩猿騰直知王濟巧誰覺魏舒能  
空心不死樹無葉未枯藤擇賢方至此傳卮欣得朋

慨然成詠

新春光景麗遊子離別情交讓未全死梧桐唯半生  
值熱花無氣逢風水不平寶鷄雖有祀何時能更鳴

奉和示內人

然香鬱金屋吹管鳳凰臺春朝迎雨去秋夜隔河來

聽歌雲卽斷聞鶴琴倒回春窻刻鳳下寒壁畫花開  
定取流霞氣時添承露杯

夢入堂內

彫梁舊刻杏香壁本沉椒幔繩金麥穗簾鈎銀蒜條  
畫眉千度拭梳頭百遍撩小衫裁褱臂纏絃搯抱腰  
日光釵啖動窻影鏡花搖歌曲風吹韻笙簧火炙調  
卽今須戲去誰復待明朝

衛王贈桑落酒奉答

愁人坐狹斜喜得送流霞跂窻催酒熟停杯待菊花  
霜風亂飄葉寒水細澄沙高陽今日晚應有接離斜

望野

倚麗無  
比李玉溪  
常西料  
於此



試策千金馬。來登五丈原。有城仍舊縣。無樹卽新村。  
水向蘭池泊。日斜細柳園。涸渚通沙路。寒渠塞水門。  
但得風雲賞。何須人事論。

和王內史從駕

冬狩出離宮。還過獵武功。澗橋偏礙馬。山虛響絕弓。  
夏羸承落鴈。韓盧鬪蟄熊。猶開三面網。誰肯一山重。  
對宴齊使

歸軒下賓館。送蓋出河堤。酒正離杯促。工歌別曲悽。  
林寒木皮厚。沙回鴈促飛。故人儻有訪。知余已執珪。

同州還

赤岸繞新村。青城臨綺門。范睢新入相。穰侯始出藩。

上林催獵響。河橋爭渡喧。麋雉飛橫澗。藏狐入斷原。  
將軍高宴晚。來過青竹園。

待從徐國公殿下行軍

八風占陣氣。六甲候兵韜。置府仍張幕。麾軍卽秉旄。  
長旄臨廣武。烽火照城臯。巡寒重挾纊。酌水勝單醪。  
陣後雲逾直。兵深星轉高。電焰驅龍馬。山精鏤寶刀。  
塞迥翻榆葉。關寒落鴈毛。旣得從神武。何須念久勞。

同會河陽公新造山池聊得寓目

橫階仍鑿澗。對戶卽連峰。閣石疑藏虎。盤根似卧龍。  
沙洲聚亂荻。洞口礙橫松。引泉恒數派。開巖卽十重。  
北閣聞吹管。南隣聽擊鐘。菊寒花正合。杯香酒絕濃。

的是新  
造山池



由來魏公子今日始相逢

山齋

寂寥尋靜室。蒙密就山齋。滴瀝泉澆路。穹隆石卧階。淺槎全不動。盤根唯半埋。明珠墜晚菊。細火落空槐。直置風雲慘。彌憐心事乖。

細火之落空  
槐一白聲  
泊響極

和吳瀆師遊昆明池 二首

遊客重相懽。連塵出上蘭。值泉傾蓋飲。逢花住馬看。平湖泛玉軸。高堰歇金鞍。半道聞荷氣。中流覺水寒。秋光麗晚天。鷓舸泛中天。密菱障浴鳥。高荷浸釣船。碎珠縈斷菊。殘絲繞折蓮。落光催十酒。棲鳥送一絃。

遊山

聊登玄圃殿。更上增城山。不知高幾里。低頭看世間。唱歌雲欲聚。彈琴鶴欲舞。澗底百重花。山根一片雨。婉婉藤倒垂。亭亭松直豎。

和樂儀同苦熱

火井沈熒散。炎洲高焰通。鞭石未成雨。鳴鳶不起風。思為鸞翼扇。願備明光宮。臨淄迎子禮。中散就安豐。美酒含蘭氣。甘瓜開蜜筒。寂寥人事屏。還得隱墻東。

別庾七入蜀

峻嶺拂陽烏。長城連蜀都。石銘懸劒壁。沙洲聚陣圖。山長半腹斷。樹古中心枯。由來兄弟別。共念一荆株。

王昭君

句苦熱



越 起得好

拭啼辭戚里。迴顧望昭陽。鏡失菱花影。釵除却月梁。  
圍腰無一尺。垂淚有千行。衫身承馬汗。紅袖拂秋霜。  
別曲真多恨。哀絃須更張。

示封中錄

貴館居金谷。關局隔棠街。高階既激澗。廣閣更交柯。  
葛巾久乖角。菊徑簡經過。異君見杲顧。郊間光景佳。

問疾封中錄

形骸違學宦。狹巷幸為閑。虹迴或有雨。雲合又含寒。  
橫湖韻鶴下。迴溪狹猿還。懷賢為榮衛。和緩惠何紈。

奉答賜酒鵝

雲光偏亂眼。風聲特噤心。冷綬披雪嘯。寒魚抱凍沈。

今朝一壺酒。寔是勝千金。負恩無以謝。惟知就竹林。

詠春近餘雪應詔

送寒開小苑。迎春入上林。絲條變柳色。香氣動蘭心。  
待花思對酒。留雪擬彈琴。陪遊愧並作。空見奉恩深。

奉和平鄴應詔

天策引神兵。風飛掃鄴城。陣雲千里散。黃河一代清。

謹贈司寇淮南公

啟唐批 律之因

危邦久亂德。天策始乘機。九河聞誓衆。千里見連旂。  
號亡垂棘反。齊平寶鼎歸。久弊風塵俗。殊勞關塞衣。  
絆驥還千里。垂鵬更九飛。猶憐馬齒進。應念節旄稀。  
迴軒入故里。園柳始依依。舊竹侵行徑。新桐益幾圍。



興起

此言其家世  
并生功業  
才畧

寒谷黎應重。秋林栗更肥。美酒還參聖。彫文本入微。  
但歌迎趙瑟。遊絃召楚妃。小人司刺舉。明剔實濫吹。  
南部治都尉。軍謀假建威。南山隱士石。丹水鳳皇磯。  
野亭長被馬。山城早掩扉。傳呼擁絳節。交戟映彤闈。  
遂令亡楚操。何但食周薇。三十六水變。四十九條非。  
丹竈風煙歇。年齡蒲柳衰。同僚敢不盡。疇日懼難追。

傷王司徒褒

答聞王子晉。輕舉逐神僊。謂言君積善。還得嗣前賢。  
四海皆流寓。非為獨播遷。豈意中台圯。君當風燭前。  
自君鍾鼎族。江南三百年。寶刀仍世載。瑠玕本舊傳。  
綠紱紆槐綬。黃金飾侍蟬。地建忠臣國。家開孝子泉。

華

此言病而至  
死重傷難  
別

此言家世情  
復嘉名德  
作結

自能枯木潤。足得流水圓。以君承祖武。諸侯無間然。  
青襟已對日。童子即論天。穎陰珠玉麗。河陽脂粉妍。  
名高六國共。價重十城連。辯足觀秋水。文堪題馬鞭。  
迴鸞抱書字。別鶴繞琴絃。擁旄裁甸服。垂維非被邊。  
靜亭空擊馬。閑烽直起煙。不廢披書校。無妨坐釣船。  
茂陵忽多病。淮陽實未痊。侍醫逾默默。神理遂緜緜。  
永別張平子。長埋王仲宣。柏谷移松樹。陽陵買墓田。  
陝路秋風起。寒堂已颯焉。丘楊一搖落。山火即時燃。  
管為人所羨。今為人所憐。世途且或且。人情玄又玄。  
故人傷此別。留恨滿秦川。定名於此定。全德以斯全。  
唯有山陽笛。悽余思舊篇。



預麟趾校書和劉儀同

止戈興禮樂。脩文盛典謨。壁開金石篆。河浮雲霧圖。  
芸香上延閣。碑石向鴻都。誦書徵博士。明經拜大夫。  
壁池寒水落。學市舊槐枯。高談變白馬。雄辯塞飛狐。  
月落將軍樹。風驚御史烏。子雲猶汗簡。溫舒正削蒲。  
連雲雖有閣。終欲想江湖。

喜晴應詔 勅自疏韻

御辯誠膺錄。維皇稱有建。雷澤管經漁。負夏時從販。  
柏梁驂四馬。高陵馳六傳。有序屬賓連。無私表平憲。  
河堤崩故柳。秋水高新堰。心齋愍昏墊。樂徹憐胥怨。  
禪河秉高論。灋輪開勝辯。王城水鬪息。洛浦河圖獻。

伏泉還習坎。歸風已迴巽。桐枝長舊圍。蒲節抽新朮。  
山藪欣藏疾。幽棲得無悶。有慶兆民同。論年天子萬。

從駕觀講武

校戰出長楊。兵攔入鬪場。置陣橫雲起。開營鷹翼張。  
門嫌磁石礙。馬畏鐵菱傷。龍淵觸牛斗。繁弱駭天狼。  
落星奔驥驟。浮雲上驕驩。急風吹戰鼓。高塵擁具裝。  
駭猿時落木。驚鴻屢斷行。樹寒條更直。枯菊轉生香。  
伯略推全勝。龍圖揖所長。小臣欣寓目。還知奉會昌。

陪駕幸終南和宇文內史

玉山乘四載。瑤池宴八龍。龜橋浮少海。鶴蓋上中峯。  
飛狐橫塞路。白馬當河衝。水奠三川石。山封五樹松。



長虹雙瀑布。圓缺兩芙蓉。戍樓鳴鼓。山寺響晨鐘。  
新蒲節轉促。短筍籜猶重。樹宿含櫻鳥。花留釀蜜蜂。  
迎風下列闕。灑酒召昌容。且欣陪北上。方欲待東封。

和李司錄喜雨

純陽實久亢。雲漢乃昭回。臨河沈璧玉。夾道畫龍媒。  
離光初繞電。震氣始乘雷。海童還竭石。神女向陽臺。  
雲逐魚鱗起。渠隨龍骨開。崩沙雜水去。卧樹擁槎來。  
嘉苗雙合穎。熟稻再含胎。屬此欣膏露。逢君摘拔才。  
愧乏將瓊玖。無酬美且俛。

庾開府詩集卷二

庾開府詩集卷三

詩

至老子廟應詔

虛無推馭辨。寥廓本乘蜺。三門臨苦縣。九井對靈溪。  
成丹須竹節。量藥用刀圭。石似臨邛芋。芝如封禪泥。  
龍毛新鶴小。盤根古樹低。野戍孤煙起。春山百鳥啼。  
路有三千別。途經七聖迷。唯當別關吏。直向流沙西。

泰在司水看治渭橋

大夫參下位。司職涓之陽。富平移鐵鎖。甘泉運石梁。  
跨虹連絕岸。浮鼉續斷航。春洲鸚鵡色。流水桃花香。

庾信 子山

無一句不  
是喜雨  
故佳



星精逢漢帝。釣叟值周王。平堤石岸直。高堰柳陰長。  
美言杜元凱。河橋獨舉觴。

奉和灋筵應詔

五城隣北極。百雉壯西昆。鈎陳橫複道。閭闔抵靈軒。  
千柱蓮花塔。由旬紫紺園。佛影胡人記。經文漢語翻。  
星窺朱鳥牖。雲宿鳳凰門。新禽解雜嘯。春柳卧生根。  
早雷驚蟄戶。流雪長河源。建始移交讓。徽音種合昏。  
風飛扇天辯。泉湧屬絲言。羈臣從散木。無以預中天。  
遙可望終類。仰鷗絃。

和宇文內史入重陽關

北原風雨散。南容宮衛踈。待詔還金馬。儒林歸石渠。

徒懸仁壽鏡。空聚茂陵書。竹淚垂秋筍。蓮衣落故渠。  
顧城始移廟。陽陵正徙居。舊蘭憔悴長。殘花爛熳舒。  
別有昭陽殿。長悲故婕妤。

和人日晚景宴昆明池

餘春足光景。趙李舊經過。上林棗腰細。新豐酒泛多。  
小船行釣鯉。新盤待摘荷。蘭臯徒稅駕。何處有凌波。

昭君辭應詔

歛眉光祿塞。還望夫人城。片片紅顏落。雙雙淚眼生。  
冰河牽馬渡。雪路抱鞍行。胡風入骨冷。夜月照心明。  
方調琴上曲。變入胡笳聲。

對酒歌



春水望桃花。春洲藉芳杜。琴隨綠珠。酒就文君。取  
牽牛向渭橋。日曝山頭脯。山簡接籬倒。王戎如意舞。  
箏鳴金谷園。笛韻平陽塢。人生一百年。歡笑唯三五。  
何處覓錢刀。求爲洛陽賈。

歲晚出橫門

年華改歲陰。遊客喜登臨。據鞍垂玉帖。橫腰帶水心。  
冰弱浮橋沒。沙虛馬迹深。倚弓依石岸。迴牀向柳陰。  
智瓊來勸酒。文君過聽琴。明朝雲雨散。何處更相尋。

入道士館

金華開八景。玉洞上三危。雲袍白鶴度。風管鳳凰吹。  
野衣縫蕙葉。山中去聲蓼筍皮。何必淮南館。淹留攀桂

枝

望月

夜光流未曙。金波影尚賒。照人非七子。含風異九華。  
莫新半壁上。桂滿獨輪斜。乘舟聊可望。無假逐僊槎。

詠樹

交柯乍百頃。擢本或千尋。楓子留爲式。桐孫待作琴。  
殘枝移桃種。空花植棗林。幽居對蒙密。蹊徑轉深沈。

奉和趙王西京路春日

直城龍首抗。橫橋天漢分。風鳥疑近日。露掌定高雲。  
新渠還入渭。舊鼎更開汾。漢獵熊攀檻。秦田雉失羣。  
宜年動春律。御宿斂寒氛。弄玉迎蕭史。東方覓細君。



楊柳成歌曲。蒲桃學繡文。鳥鳴遠獨解。花開先自薰。  
誰知灞陵下。猶有故將軍。

奉和趙王送峽中軍

樓船聊習戰。白羽試搗軍。山城對却月。岸陣抵平雲。  
赤蛇懸弩影。流星抱劔文。胡笳遙警夜。塞馬闇嘶羣。  
客行明月峽。猿聲不可聞。

奉和趙王看伎

綠珠歌扇薄。飛燕舞衫長。琴曲隨流水。簫聲逐鳳皇。  
細管纏鐘格。圓花釘鼓牀。懸知曲不誤。無事畏周郎。

奉和趙王美人春日

直將劉碧玉。來過陰麗華。祇言滿屋裏。併作一園花。

倚麗  
艷

新藤亂上格。春水漫吹沙。步搖釵梁動。紅輸被角斜。  
今年逐春處。先向石崇家。

奉報窮秋寄隱士

王倪逢齒缺。桀溺遇長沮。黎牀負日卧。麥隴帶經鋤。  
自然曲木几。無名科斗書。聚花聊飼雀。穿池試養魚。  
小村治澁路。低田補壞渠。秋水牽沙露。寒藤抱樹踈。  
空枉平原騎。來過仲蔚廬。

正旦蒙賚酒

正旦辟惡酒。新年長命杯。柏葉隨銘至。椒花逐頌來。  
流星向旄落。浮蟻對春開。成都已救火。蜀使何時來。

和裴儀同秋日



蕭條依白社。寂寞似東臯。學異南宮散。貧同北郭騷。  
蒙吏觀秋水。萊妻紡落毛。旅人嗟歲暮。田家賦作勞。  
霜天林木燥。秋氣風雲高。棲遑終不定。方欲涕霑袍。

有喜致醉

忽見庭生玉。聊欣蚌出珠。蘭芬猶載寢。蓬箭始懸弧。  
既喜枚都尉。能歡陵大夫。頻朝中散客。連日步兵廚。  
雜曲隨琴用。殘花聽酒頰。脆梨裁數實。甘杏唯一株。  
兀然已復醉。搖頭歌鳳雛。

奉報寄洛州

舟師會孟津。甲子陣東隣。雷轅驚戰鼓。劍室動金神。  
幕府風雲氣。軍門關塞人。長旂折鳥羽。合甲抱犀鱗。

星芒一丈焰。月暈七重輪。黎陽水稍漲。官渡柳應春。  
無庸奉天睠。驅傳牧南秦。繁詞勞簡牘。雜俗弊風塵。  
上洛逢都尉。商山見逸民。留滯終南下。唯當一史臣。

見遊春人

長安有狹斜。金穴盛豪華。連杯勸上馬。亂菓擲行車。  
深紅蓮子豔。細錦鳳凰花。那能學嗽酒。無趣似藥巴。

和宇文內史春日遊山

遊客值春輝。金鞍上翠微。風送花迎面。山深雲濕衣。  
鷹持一足倚。猿將兩臂飛。戍樓侵嶺路。山村落獵圍。  
道士封君達。僊人丁令威。煮丹於此地。居然未肯歸。  
見征客始還遇獵



貳師新受詔長平正覬歸猶言乘戰馬未得解戎衣  
上林遇逐獵宜春暫合圍漢帝熊猶憤秦王雉更飛  
故人迎俗問舊念始依依河邊一片石不復肯支機

賦得結客少年場

結客少年場春風滿路香歌撩李都尉菓擲潘河陽  
隔花遙勸酒就水更移牀今年喜夫壻新拜羽林郎  
定知劉碧玉偷嫁汝南王

幽居值春

山人久陸沈幽徑忽春心決渠移水碓開園掃竹林  
欹橋久半斷萌岸始斜侵短歌吹細笛低聲泛古琴  
錢刀不相及耕種且須深長門一紙賦何處覓黃金

奉報趙王出師在道賜詩

上將出東平先定下江兵彎弓伏石動振鼓沸沙鳴  
橫海將軍號長風駿馬名雨歇殘虹斷雲歸一鷹征  
闡巖朝石濕空山夜火明低橋澗底度僂路花中行  
錦車同達節魚軒異泊營軍中女子氣塞外夫人城  
小人垂攝養岐路阻逢迎幾月芝田熟何年金竈成  
哀笳關塞曲嘶馬別離聲王子身爲寶深思不倚衡

道士步虛詞十首

渾成空教立元始正圖開赤玉靈文下朱陵真氣來  
中天九龍館倒景八風臺雲度絃歌響星移宮殿迴  
青衣上少室童子向蓬萊逍遙聞四會倏忽度



無名萬物始。有道百靈初。寂絕乘丹氣。玄明上玉虛。  
三元隨節建。八景逐迴輿。赤鳳來銜璽。青鳥入獻書。  
壞机仍成机。枯魚還作魚。棲心浴日館。行樂止墟。  
疑真天地表。絕相寂寥前。有鳥猶虛豁。忘形本自然。  
開經壬子世。值道甲申年。迴雲隨舞曲。流水逐歌絃。  
石髓香如飯。芝房翠似蓮。停鸞讌瑤水。歸路上鳴天。  
道生乃太一。守靜卽玄根。中和煉九氣。甲子謝三元。  
居心受善水。教學重香園。鳧留報關吏。鶴去畫城門。  
更以欣無迹。還來寄絕言。

洞靈尊上德。虞石會明真。要妙思玄絕。虛無養谷神。  
丹丘乘翠鳳。玄圃御班麟。移梨付苑吏。種杏乞山人。

自此逢何世。從今復幾春。海無三尺水。山成數寸塵。

東明九芝蓋。北燭五雲車。飄颻入倒景。出沒上煙霞。

春泉上玉雷。青鳥向金華。漢帝看桃核。齊侯問棗花。

上元應送酒。來向蔡經家。

歸心遊太極。迴向入無名。五香芬紫府。千燈照赤城。

鳳林採珠寶。春山種玉榮。夏笛三山響。春鐘九乳鳴。

絳河應遠別。黃鵠來相迎。

北閣臨玄水。南宮坐絳雲。龍泥印玉策。天火煉真文。

上元風雨散。中天歌吹分。靈駕千尋上。空香萬里聞。

地鏡堦基遠。天窓影迹深。碧玉成雙樹。空青爲一林。

鵝巢堪煉石。蜂房得煮金。漢武多驕慢。淮南不小心。



蓬萊入海底。何處可追尋。  
麟州一海闊。玄圃半天高。浮丘迎子晉。若士避盧敖。  
經滄林。慮李舊食綏。山桃成丹須。竹節刻髓用。蘆刀  
無妨隱士去。卽是賢人逃。

登州中新閣

跨虛凌倒景。連雲詎少陽。璇極龍鱗上。雕甍鵬翅張。  
千尋文杏照。十里木蘭香。開堂對高掌。平坐望河梁。  
歌響聞長樂。鐘聲徹建章。賦用王延壽。書須韋仲將。  
龍來隨畫壁。鳳起逐吹簞。石作芙蓉影。池如明鏡光。  
花梁反披葉。蓮井倒垂房。徒然思燕賀。無以預鷗翔。  
和從駕登雲居寺

重巒千仞塔。危磴九層臺。石關恒逆上。山梁乍斗迴。  
塔下雲峰出。窻前風洞開。隔嶺鐘聲度。中天梵響來。  
于時欣侍從。於此暫徘徊。

冬狩月四韻連句應詔

三川羽檄馳。六郡良家選。觀兵細柳城。校獵長楊苑。  
驚雉避鷹飛。騰猿看箭轉。鳴笳河曲還。猶憶南皮反。

和江中賈客

五兩開船頭。長橋發新浦。懸知岸上人。遙振江中鼓。

山中

澗暗泉偏冷。巖深桂絕香。住中能不去。非獨淮南王。

野步



值泉仍飲馬。逢花卽舉杯。稍看城闕遠。轉見風雲來。  
行途賦得四夏應詔

四夏天欲曙。落月垂關下。深谷暗藏人。欹松橫礙馬。  
弄琴二首

雉飛催晚別。烏啼驚夜眠。若交新曲變。惟須促絃。  
不見石城樂。惟聞鳥噪林。新聲逐絃轉。應得動春心。

題結綫袋子

交。絲。結。龍。鳳。鏤。彩。織。雲。霞。一。寸。同。心。縷。千。年。長。命。花。

集周公處連句

市朝一朝變。蘭艾本同焚。故人相偕問。平生如所聞。

秋日

蒼茫望落景。羈旅對窮秋。賴有南園菊。殘花足解愁。

對酒

數杯還已醉。風雲不復知。唯有龍吟笛。桓伊能獨吹。

奉梨

接枝秋轉晚。含情落夏香。擎置僊人掌。應添瑞露漿。

送衛王南征

望水初橫陣。移營寇未降。風塵馬足起。先暗廣陵江。

奉和趙王

花遙自相雋。花林鳥未棲。比看中郎醉。堪聞烏夜啼。

春日極飲

檻前聞鳥轉。園裏對花開。就中言不醉。紅袖捧金杯。



閨怨

明鏡圓花發空房故怨多。幾年留織女。還應聽渡河。

贈別

藏啼留送別。拭淚強相參。誰言畜衫袖。長代手中冷。

春望

春望上春臺。春窓四面開。落花何假拂。風吹會併來。

代人傷往二首

青田松上一黃鶴。相思樹下兩鴛鴦。無事交渠更相失。不及從來莫作雙。

雜樹本惟金谷苑。諸花舊滿睢陽城。正是古來歌舞處。今日看時無地行。

和張侍中述懷

陽窮乃悔吝。世季誠屯剝。奔河絕地維。折柱傾天角。成羣海水飛。如雨天星落。負鍾遂移山。藏舟終去壑。生民忽已魚。君子徒爲鶴。疇管逢知己。生平荷恩渥。故組竟無聞。程嬰空寂寞。永嘉獨流寓。中原唯鼎鑊。道險卧樵廬。身危累素殼。漂流從木檝。風卷隨秋籟。張翰不歸吳。陸機猶在洛。漢陽錢遂盡。長安米空索。時占季主龜。乍取韓康藥。伏轅終入絆。垂翅猶離繳。徒懷琬琰心。空守黃金諾。號鄒終無寄。齊秦竟何託。大夫唯閔周。君子常思亮。寂寥共羈旅。蕭條同負郭。農談止穀稼。野膳唯藜藿。操樂楚琴澁。忘憂魯酒薄。



渭濱觀坐釣。谷口看秋穫。唯有丘明恥。無榮復期樂。  
夷則火星流。天根秋水涸。冬嚴日不暖。歲晚風多朔。  
楊浮有怪雲。細凌聞災雹。木皮二寸厚。涇泥五斗濁。  
雖欣曲轅樹。猶懼雕陵鵲。生涯實有殆。天道終虛橐。  
且悅善人交。無疑朋友數。何時得雲雨。復見翔寥廓。

郊行值雪

風雲俱慘慘。原野共茫茫。雪花開六出。冰珠映九光。  
還如驅玉馬。暫似獵銀獐。陣雲全不動。寒山無物香。  
薛君一狐白。唐侯兩騎驕。寒關日欲暮。披雪度河梁。  
同顏大夫初晴  
如陽含水氣。反景照移堤。濕花飛來遠。陰雲斂向低。

燕燥還爲石。龍殘更是泥。香泉酌冷澗。小艇釣蓮溪。  
但使心齊物。何愁物不齊。

夜聽搗衣

秋夜擣衣聲。飛度長門城。今夜長門月。應如畫日明。  
小鬟宜粟瑱。圓腰運織成。秋砧調急節。亂杵變新聲。  
石燥礧愈響。桐虛杵絕鳴。鳴石出華陰。虛桐採鳳林。  
北堂細腰杵。南帝女郎砧。擊節無勞鼓。調聲不用琴。  
並結連枝縷。雙穿長命鍼。倡樓驚別怨。征客動愁心。  
同心竹葉梳。雙去雙來滿。裙裾不奈長。衫袖偏宜短。  
龍文縷剪刀。鳳翼纏篋管。風流響和韻。哀怨聲悽斷。  
新聲繞夜風。嬌轉滿空中。應聞長樂殿。判徹昭陽宮。



花鬢醉眼。纈龍子細文。紅玉塔風轉急。長城雪應閣。  
新綬始欲縫。細錦行須纂。聲煩廣陵散。杵急漁陽摻。  
新月動金波。秋雲泛濫過。誰憐征戍客。今夜在交河。  
羽觴離別賦。臨江愁思歌。復今悲此曲。紅顏餘幾多。

歸田

務農勤九穀。歸來嘉一廛。穿渠移水碓。燒棘起山田。  
樹陰逢歇馬。魚潭見灑船。苦李無人摘。秋瓜不直錢。  
牡雞新欲伏。原蠶始更眠。今日張平子。翻爲人所憐。

任洛州酬薛文學贈別

子居河之曲。英彥本連蹤。鹽形成變虎。鼎氣乍成龍。  
若人承載德。宮牆定數重。五衢關辯路。四照起文風。

日餘濫推轂。民願始天從。上洛分都尉。弘農開附庸。  
羊場連九坂。熊耳對雙峰。白石僊人芋。青林隱士松。  
北梁送孫楚。西堤別葛龔。故人儻書札。黎陽土足封。

園庭

杖鄉從物外。養學事閑郊。窮愁方汗簡。無遇始觀爻。  
谷寒已吹律。簷空更翦茅。樵隱恒同路。人禽或對巢。  
水蒲開晚結。風竹解寒苞。古槐時變火。枯楓乍落膠。  
倒屣迎懸榻。停琴聽解嘲。香螺酌美酒。枯蚌藉蘭肴。  
飛魚時觸釣。翳雉屢懸庖。但使相知厚。當能來結交。

春報賜酒

梁王脩竹園。冠蓋風塵喧。行人忽枉道。直進桃花源。



稚子還羞出。驚妻到閉門。始聞傳上命。定是賜中樽。  
野鑪燃樹葉。山杯捧竹根。風池還更暖。寒谷遂長暄。  
未知稻梁鴈。何時能報恩。

旦上司憲府

詰旦啓門闌。繁辭擁筆端。蒼鷹下獄吏。獬豸飾刑官。  
司朝引玉節。盟載捧珠盤。窮紀移星次。歸餘律未殫。  
雪高三尺厚。冰深一丈寒。短筍猶埋竹。香心未起蘭。  
孟門久失路。扶搖忽上傳。棲鳥還得府。棄馬復歸欄。  
榮華名義重。虛薄報恩難。枚乘還起疾。貢禹遂彈冠。  
方垂蓮葉劍。未用竹根丹。一知懸為灑。誰思垂釣竿。

伏聞遊獵

虞旗喜且晴。獵馬向山橫。石關魚貫上。山梁鴈岐行。  
雪平尋兔跡。林叢聽雉鳴。馬嘶山谷響。弓寒桑柘鳴。  
聞絃鳥自落。望火獸虛驚。無風樹即正。不凍水還平。  
誰知茂陵下。願入睢陽城。

寒園卽日

寒園星散後。搖落小村墟。遊僊半壁畫。隱士一牀書。  
子月泉心動。陽爻地氣虛。雪花深數尺。冰牀厚尺餘。  
蒼鷹斜望雉。白鷺下看魚。更想東都外。郡公別二疎。

奉答賜酒

僊童下赤城。僊酒餉王平。野人相就飲。山鳥一羣驚。  
細雪翻沙下。寒風戰鼓鳴。此時逢一醉。應枯反更榮。



蒙賜酒

金膏下帝臺。玉歷在蓬萊。仙人一遇飲。承得兩三杯。  
忽聞桑葉落。正值菊花開。阮籍披衣進。王戎含笑來。  
從今覓僊藥。不假向瑤臺。

答王司空餉酒

今日小園中。桃花數樹紅。開君一壺酒。細酌三春風。  
未能浮畢卓。猶足舞王戎。僊人一捧露。判不及杯中。

蒲州刺史中山公許乞酒一車未送

細柳望蒲臺。長河始一迴。秋桑幾過葉。春蟻未曾開。  
瑩角非難馭。搥輪稍可催。只言千日飲。舊逐中山來。

奉和趙王遊僊

藏山還採藥。有道得從師。京兆陳安世。成都李意期。  
玉京傳相鶴。太乙授飛龜。白石香新芋。青泥美熟芝。  
山精逢照鏡。樵客值圍棋。石紋如碎錦。藤苗似亂絲。  
蓬萊在何處。漢后欲遙祠。

奉和趙王隱士

洛陽徵五隱。東都別二賢。雲氣浮函谷。星光集潁川。  
灞陵採樵路。成都賣卜錢。鹿裘披稍裂。黎牀坐欲穿。  
天籟唯長嘯。嵇康訝一絃。澗險無平石。山深足細泉。  
短松猶百尺。少鶴已千年。野鳥繁絃轉。山花焰火然。  
洞風吹戶裏。石乳滴窓前。雖無亭長識。終見野人傳。

奉和泛江



春江下白帝。畫舸向黃牛。錦纜迴沙清。蘭橈避荻洲。  
濕花隨水泛。空巢逐樹流。建平船旆下。荆門戢艦浮。  
岸社多長樹。山城足迥樓。日落江風靜。龍吟迴上游。  
奉和趙王喜雨  
玄霓臨日谷。封蟻對雲臺。投壺欲起電。倚柱欲驚雷。  
白沙如濕粉。蓮花類洗杯。驚鳥灑翼濕。度鴈斷行來。  
浮橋七星起。高堰六門開。猶言祀蜀帝。卽似望荆臺。  
厥田終上上。原野自莓苔。

庾開府詩集卷三

庾開府詩集卷四

庾信 子山

詩

奉和趙王途中五韻

飄飄暎軍幕。出沒望連旗。度雲還翊陣。風迴卽送旂。  
峽路沙如月。山峯石似眉。村桃拂紅粉。岸柳被青絲。  
錦城遙可望。迴鞍念此時。

奉和趙王春日

城旁金谷苑。園裏鳳凰池。細管調歌曲。長衫教舞兒。  
作人長眼臉。由來薄面皮。梅花絕解作。樹葉本能吹。  
香煙龍口出。蓮子帳中垂。莫畏無春酒。須花但見隨。



上益州上柱國趙王二首

銅梁影棠樹。石鏡寫寒帷。兩江恒瀆錦。雙峯自畫眉。  
穿荷低晚蓋。衰柳掛殘絲。風流盛儒雅。泉湧富文詞。  
無因同子淑。暫得侍臨淄。  
寂寞歲陰窮。蒼茫雲貌同。鶴毛飄亂雪。車轂轉飛蓬。  
鴈歸知向暖。鳥巢解背風。寒沙兩岸白。獵火一山紅。  
願想玄鶉弊。時嗟陋巷空。

五言詠畫屏風詩二十五首

俠客重連鑣。金鞍被桂條。細塵鄣路起。驚花亂眼飄。  
酒薰人半醉。汗濕馬全驕。歸鞍畏日晚。爭路上旗標。  
浮橋翠蓋擁。平旦擁門開。石崇迎客至。山濤載妓來。

水紋怕獨轉。風花直亂迴。誰能惜紅袖。迎用捧金杯。

停車小苑外。杯酒長橋前。澁蕙迎擁楫。平荷直蓋船。

殘絲繞折藕。菱葉映低蓮。遙望芙蓉影。只言水底然。

昨夜鳥聲春。驚鳴動四隣。今朝梅樹下。定有詠花人。

流星浮酒泛。粟瑱繞杯脣。何勞一片雨。喚作陽神臺。

逍遙遊桂苑。寂絕到桃源。狹石分花徑。長橋映水門。

管聲驚百鳥。人衣香一園。定知歡未足。橫琴坐石根。

三春冠蓋聚。八節絃管遊。石險松橫植。巖懸澗豎流。

小橋飛斷岸。高花出迥樓。定須催十酒。將來宴五侯。

高閣千尋起。長廊四注連。歌聲上扇月。舞影入琴絃。

洞水繞窻外。山花即眼前。但願長歡樂。從今盡百年。



日晚金捷路。朱軒流水車。轆拂綠堤柳。靄飄夾路花。  
定迎劉碧玉。將過陰麗華。非是高陽路。莫畏接斜。  
徘徊出桂苑。徒倚就花林。下橋先勸酒。跋石始調絃。  
蒲低猶抱節。竹短未空心。絕愛猿聲近。唯憐花徑。  
千尋木蘭館。百尺芙蓉堂。落日低蓮井。行雲礙女梁。  
流水桃花色。春洲杜若香。上階猶不進。催來就枝。  
擣衣明月下。靜夜秋風飄。錦石平礧面。蓮房接杵腰。  
急節迎秋韻。新聲入手調。寒衣須及早。將寄霍標。  
水淺看樓殿。聞關望綺羅。翔禽逐節舞。流水赴絃歌。  
細管吹叢竹。新杯卷半荷。南宮冠蓋下。日暮風塵。  
玉押珠簾捲。金鉤翠幔懸。荷香薰水殿。閣影入池蓮。

平沙臨浦口。高柳對樓前。上橋還倚望。遙看採菱。  
金鞍聚磧岸。玉舳泛中流。畫鷁先防水。媒龍卽負舟。  
沙城疑海氣。石岸似江樓。崩槎時半沒。壞舸或空浮。  
定是汾河上。戈船來試遊。  
竟日坐春臺。芙蓉承酒杯。水流平澗下。山花滿谷開。  
行雲數番過。白鶴一雙來。水影搖叢竹林。香動落梅。  
直上山頭路。羊腸能幾迴。  
高閣千尋跨。重簷百丈齊。雲度三分近。花飛一倍底。  
吹簫迎白鶴。照鏡舞山鷄。何勞愁日暮。未有夜烏。  
河流值淺岸。斂轡暫經過。弓衣濕濺水。馬足亂橫波。  
半城斜出樹。長林直枕河。今朝遊俠客。不畏風塵。



清新俊逸  
有之

度橋猶徙倚。坐石未傾壺。淺草開長埭。行營繞細廚。  
沙洲兩鶴迴。石路一松孤。自可尋丹竈。何勞億壺酒。  
上林春徑密。浮橋柳路長。龍媒逐細草。鶴鬣映垂楊。  
水似桃花色。山如甲煎香。白石春泉上。誰能待月光。  
白石春泉滿。黃金新埭開。戚里車先度。蘭池馬即來。  
落花承舞席。春衫拭酒杯。行廚半路待。載妓一河雙。  
將軍息邊務。校尉罷戎池。臺臨戚里絃。管入新豐  
浮雲隨走馬。明月逐彎弓。比來多舛獵。唯有上林中。  
三危上鳳翼。九坂度龍鱗。路高山裏樹。雲低馬上人。  
懸巖泉溜響。深谷鳥聲春。住馬來相問。應知有素秦。  
聊開鬱金屋。暫對芙蓉池。水光連岸動。花風合樹吹。

春杯猶雜泛。細菓尚連枝。不畏歌聲盡。先看荀勗妓。  
洞靈開靜室。雲氣滿山齋。古松栽數樹。盤根無半埋。  
愛靜魚爭樂。依人鳥入懷。仲春徵士。蒲輪上計。  
今朝好風日。園苑足芳菲。竹動蟬爭散。蓮搖魚暫飛。  
面紅新着酒。風晚細吹衣。跂石多時望。蓮船始復歸。  
徐報使來止得一相見。  
一面還千里。相思那得論。夏尋終不見。無異桃花源。

聽歌

協律新教罷。河陽始學歸。但令聞一曲。餘聲三日飛。

看舞

鸞迴不假學。鳳舉自相關。到嫌衫袖廣。恒長礙舉鬟。



移樹

酒泉移石襟河陽。徙石榴。雖言有千樹。何處似封侯。

忽見檳榔

綠房千子熟。紫穉百花開。莫言行萬里。曾經相識來。

奉梨

接枝秋轉脆。含銷落夏香。擎置僊人掌。應甜甘露漿。

山齋

石影橫臨水。山雲半繞峯。遙想中山店。懸知春酒濃。

和淮南公聽琴聞絃斷

嗣宗看月夜。中散對行雲。一絃終獨韻。猶足動文君。

新月

鄭環唯半出。秦鈎本獨懸。若交臨酒影。堪言照弩弦。

僊山二首

金竈新和藥。銀臺舊聚神。相看但莫怯。先師應識人

石軟如香飯。鉛銷似熟銀。蓬萊暫近別。海水遂成塵。

奉和平鄴

天策引神兵。飛風掃鄴塵。陣雲千里散。黃河一代清。

賦得鸞臺

九成吹玉琯。百尺上瑤臺。能將秦女去。終是鳳凰來。

暮秋野興賦得傾壺酒

劉伶正捉酒。中散欲彈琴。但使逢秋菊。何須就竹林。

傷往二首

子山詩多用  
鳳皇



近蘇  
竟唐

見月長垂淚。看花即歛眉。從今一別後。知作幾年悲。  
鏡塵言若厚。蟲絲定幾重。還是臨窻月。今秋迴照松。

和侃瀆師前後三絕

秦關望楚路。霸岸想江潭。幾人應落髮。看君馬南向

客遊經歲月。羈於故情多。近學衡陽鴈。秋分俱渡河。

迴首河堤望。眷眷嗟離絕。誰言舊國人。到在他鄉別。

賦得荷

秋衣行欲製。風蓋漸應歆。若有千年蔡。須巢但見隨。

看妓

長思浣沙石。空想擣衣砧。臨邛若有使。為說解琴心。

塵鏡

明鏡如明月。恒長置匣中。何須照兩鬢。終是一秋蓬。

詠羽扇

搖風碎朝翻。拂汗落毛衣。定似回谿路。將軍垂翅歸。

寄王琳

玉關道路遠。金陵音信疎。獨下千行淚。開君萬里書。

和劉儀同臻

南登廣陵岸。迴首落星城。不言臨舊浦。烽火照江明。

和庾四

離關一長望。別恨幾重愁。無妨對春日。懷抱只言秋。

寄徐陵

故人儻思我。及此平生時。莫待山陽路。空聞吹笛悲。



送周尚書弘正 三首

陽關萬里路。不見一人歸。唯有河邊鴈。秋時南向飛。  
交河望合浦。玄菟想朱鳶。共此無期別。知應復幾年。  
離期定已促。別淚轉無從。唯愁郭門外。應足數株松。

春日離舍 二首

秦青初變曲。未有遂琴心。明年花樹下。月月來相尋。  
田家足閒暇。士友暫留連。三春竹葉酒。一曲鴟雞絃。

入彭城館

襄君前建國。項氏管稜威。鴟飛傷楚戰。雞鳴悲漢。  
世代殊民俗。風雲更盛衰。水流浮磬動。山喧雙飛。  
憂餘花欲盡。秋近鷺將稀。槐庭垂綠穗。蓮浦落紅衣。

徒知日云暮。不見舞雩歸。

怨歌行

家佳金陵縣。前嫁得長干。少年回頭望。鄉淚落不知。  
何處天邊胡塵幾。日應盡。漢月何時更圓。為君能歌。  
此曲。不覺心隨斷絃。

烏夜啼 二首

促柱繁絃非子夜。歌聲舞態異前谿。御史府中何處。  
宿洛陽城頭。那得棲彈琴。蜀郡卓家女。織錦秦川賈。  
氏妻。詎不自驚。長淚落樹頭。啼烏恒夜啼。

桂樹懸知遠。風竿詎肯低。獨憐明月夜。孤飛猶未棲。  
虎賁誰見惜。御史詎相攜。雖言入弦管。終是曲中啼。



出自薊北門行

薊門還北望。役役盡傷情。關山連漢月。隴水向秦城。  
笳寒蘆葉脆。弓凍紵絃鳴。梅林能止渴。複性可防兵。  
將軍連轉戰。都護夜巡營。燕山猶有石。須勒幾人名。

燕歌行

代北雲氣晝昏昏。千里飛蓬無復根。寒鷹丁丁一作  
渡遼水。桑葉紛紛落薊門。晉陽山頭無箭竹。踈勒城  
中乏水源。屬國征戍久離居。陽關音信絕能踈。願得  
魯連飛一箭。持寄思歸燕將書。渡遼本自有將軍。寒  
風蕭蕭生水紋。妾驚甘泉足烽火。君訝漁陽少陣雲。  
自從將軍出。細柳蕩子空牀難獨守。盤龍明鏡餉秦

嘉辟惡生香寄韓壽。春分燕來能幾日。二月蠶眠不  
復久。洛陽遊絲百丈連。黃河春冰千片穿。桃花顏色  
好如馬。榆莢新開巧似錢。蒲桃一杯千日醉。無事九  
轉學神僊。定取金丹作幾服。能令華表得千年。

西門豹廟

君子為利博。達人樹德深。蘋藻由斯薦。樵蘇幸未侵。  
恭聞正臣類聚作直祀。良識佩韋心。容貌雖年代。徽猷若  
可尋。菊花隨酒馥。槐影向窓臨。鶴飛疑逐舞。魚驚似  
聽琴。漳流鳴磴石。銅爵影秋林。

望渭水

樹似新亭岸。沙如龍尾彎。猶言吟暝浦。應有落帆還。



和濬池初成清晨臨泛

千金高堰合百頃。凌源開翻。逢積草浪。更識昆明灰。猿嘯風還急。雞鳴潮即來。時看青雀舫。遙逐貴洲迴。

舟中望月

舟子夜離家。開船望月華。山明疑有雪。岸白不關沙。天漢看珠蚌。星橋視桂花。灰飛重暈闕。螢落獨輪斜。

喜晴

比日思光景。今朝始暫逢。雨住便生熱。雲晴即作峯。水白澄還淺。花紅燥更濃。已歡無石燕。彌欲棄土龍。

詠春 五見屏風詩

逍遙遊桂苑。寂絕想桃源。狹口分花徑。長橋映水門。

管聲驚百鳥。人衣香一園。定知歡未足。橫琴坐樹根。

晚秋

淒清臨晚景。踈索望寒階。庭濕凝墜露。搏風捲落槐。日氣斜還冷。雲峯晚更靈。可憐數行鴈。點點遠空排。

和山池

樂官多暇豫。望苑暫迴輿。鳴茄凌絕恨。飛蓋歷通渠。桂庭花未落。桐門葉半踈。荷風驚浴鳥。橋影聚行魚。日落含山氣。雲歸帶雨餘。

奉和夏日應令

朱簾卷麗日。翠幕蔽重陽。五月炎蒸氣。三時刻漏長。麥隨風裏熟。梅逐雨中黃。開冰帶井水。和粉雜生香。

雙聲管  
約其時  
然

律  
直是唐



衿含蕉葉氣。扇動竹花涼。早菱生軟角。初蓮開細房。  
願陪僊鶴舉。洛浦聽笙簧。

舞

洞房花燭明。燕餘雙舞輕。頓履隨踈節。低鬟逐上聲。  
伴類聚轉行初進。衿飄曲未成。鸞迴鏡欲滿。鶴顧市  
應傾。已會天上學。詐見類聚地中生。

仰和何僕射還宅懷故

紫閣思朝罷。中臺文奏稀。無復千金笑。徒勞五日歸。  
步簷朝未掃。蘭房晝掩扉。苔生理曲處。網積迴文機。  
故瑟餘絃斷。歌梁秋燕飛。朝雲雖可望。夜帳定難依。  
願憑甘露入。方假慧燈輝。寧知洛城晚。還淚獨霑衣。

衣

重別周尚書二首

陽關萬里道。不見一人歸。唯有河邊鴈。秋來南向飛。  
河橋兩岸絕。橫岐數路分。山川遙不見。懷袖遠相聞。

送吳瀆師葬

龍泉今日掩石洞。卽時封玉匣。摧談柄。懸河落辨鋒。  
香鑪猶是柏塵尾。更成松郭門。未十里山迴。已數重  
尚聞香閣梵。猶聽竹林鍾。送客風塵擁。寒郊霜露濃。  
惟靈如不滅。神理定何從。

梅花

常年臘月半。已覺梅花闌。不信今春晚。俱來雪裏看。



樹動懸冰落。枝高出手寒。早知覓不見。真悔着衣單。

舞媚孃

朝來戶前照鏡。含笑盈盈自看。眉心濃黛直點額。角輕黃細安。祇疑落花謾去。復道春風不還。少年惟有歡樂飲酒。那得留殘。

和穎川公秋夜

沈寥空色遠。葉黃淒序變。洞浦落遵鴻。長颿送巢燕。千秋流夕景。百籟含宵囀。峻雉聆金柝。曾臺切銀箭。

將命至鄴

大國脩聘禮。親鄰自此敦。張旃事原隰。賓序報成言。西過犯風露。北指度輶轅。交歡直公子。展覲過王孫。

何以譽嘉樹。徙欣賦采繁。四牢盈折俎。三獻盡罍樽。人臣無境外。何日欣此言。風俗既殊阻。山河不復論。無因旅南館。空欲登西門。眷然此別風。期幸共存。歸軒下賓館。送蓋出河堤。酒正離杯促。歌工別曲悽。村寒木皮厚。沙迥鴈飛低。故人儻相訪。知余已執珪。

將命至鄴酬祖正員

我臨皇九有聲。泊無堤興文盛。禮樂偃武自氓黎。承乏驅騏驥。旌旗事琬珪。古碑文字盡。荒城年代迷。被隴文瓜熟。交媵香穗低。投瓊實有慰。報李更無蹊。

聘齊秋晚館中飲酒

欣茲何朔飲。對此洛陽才。殘秋欲屏扇。餘菊尚浮杯。



漳流鳴二水。日色下三臺。無因侍清夜。同此月徘徊。

從軍行

河圖論陣氣。金匱辨星文。地中鳴鼓角。天上下將軍。  
函犀恒七屬。洛鐵本千羣。飛梯聊度絳。合弩暫凌汾。  
寇陣先中斷。妖營即兩分。連烽對嶺度。嘶馬隔河聞。  
箭飛如疾雨。城崩似壞雲。英王於此戰。何用武安君。

奉和同泰寺浮屠

峒岩凌太清。照殿比東京。長影臨雙闕。高層出九城。  
拱積行雲礙。幡搖度鳥驚。花飛如始落。蓮合似初生。  
輪重對月滿。鐸韻擬鸞聲。晝水流全注。圖雲色半行。  
一作煙露晚一作盤猶滴珠朝火。更明雖連博望苑。還

接銀沙城。天香下桂殿。僊梵入伊笙。庶闢八解樂。方

遣六塵情。七夕

牽牛悲遙映水。織女正登車。星橋通漢使。機石值仙槎。  
隔河相望近。經秋離別賒。愁將今夕恨。復著明年花。

庾開府詩集卷四終



馬貴與經籍考載周庾信文集四十卷及江陵又有三卷皆兵火不存而滕王道嘗為作序今天府所存者止二十卷皆自入魏以來所作而哀江南賦實為冠首人間罕得而見也右集止錄其詩而文不載觀



序未引少陵語爲正。其刻在唐之後無疑。信三世業文。以幼簡爲祖。以肩吾爲父。身長八尺。腰帶十圍。而黔婁偉才。亦其家鷲。故其文學之能跨越南北也。有由矣。當時王克殷不害等皆以羈寓得還故土。惟王褒與信名聲相埒。雖陳氏數請。武帝重惜其才。而終不及遣。其眷遇如此。余因重刻其集於存餘堂。故識其略云。

夏晉陵朱承爵子儋拜記

朱子儋重刻庾開府詩四卷。于存餘堂引序末少陵語。謂其集刻在唐後。予近得子山詩舊鈔。校之首卷。同存餘堂本。餘卷序次迥異。凡多詩百十五首。始知子儋刻未備也。庾信全集二十卷。藏之天府。未知百六。聽迴靈光。殆無恙否。今考其詩集行世者。唯予本爲佳。而匿藏之侯。識者覽焉。述古堂識。









